

道書集成

九洲圖書出版社

# 西嶽

西嶽華山在華州華陰縣是也以太白山為儲副東方朔神異經云神姓善諱瑩西岳者主管世界金銀銅鐵五金之屬鑄坑冶兼羽毛飛鳥之事大中祥符四年五月五日追尊帝號

金天順聖帝

肅明皇后

聖朝加封太利二字餘封如故



# 北嶽

北嶽恒山在定州曲陽縣是也以崆峒山為儲副東方朔神異經云神姓晨諱訶北嶽者主於世界汕河淮濟兼虎豹走獸之類蛇虺昆蟲等屬大中祥符四年五月五日追尊帝號

安天文聖帝

靜明皇后

聖朝加封大真二字餘封如故






# 中嶽

中嶽嵩山在西京河南府登封縣是也。以少室山為儲副，東方朔《神異經》云：神姓暉諱善，中嶽者主於世界地澤川谷溝渠山林樹木之屬。大中祥符四年五月五日，追尊帝號。

中天崇聖帝

正明皇后

聖朝加封大寧二字，餘封如故。



二二二  
二二二  
二二二



四瀆

江瀆楚屈原大夫也唐始封二字公宋加四字公

聖朝加封四字王號

廣源順濟王

河瀆漢陳平也唐始封二字公宋加四字公

聖朝加封四字王號

靈源弘濟王

淮瀆唐裴說也唐始封二字公宋加四字公

聖朝加封四字王號

長源廣濟王

濟瀆楚伍大夫也唐始封二字公宋加四字公

聖朝加封四字王號

清源漢濟王

江 河 淮 濟

三教叟申大主



三孝オハネノムニ



# 泗州大聖

泗州僧伽大師者世謂觀音大士應化也推本則過去阿僧祇彌伽沙劫值觀世音如來從三惠門而入道以音聲為佛事作以此有緣之衆乃謂太師自西國來唐高宗時至長安洛陽行化歷吳楚間手執楊枝混于緇流或問師何姓即荅曰我姓何又問師是何國人師曰我何國人尋於泗上欲構伽藍因宿州民賀跋氏舍所居師曰此本為佛宇令掘地果得古碑香積寺即齊烝龍建所創又獲金像衆謂然燈如來師曰普光王佛也因以為寺額景龍二年中宗遣使迎大師至輦轂深加禮畢異命住定薦福寺帝及百官咸稱弟子與度惠儼惠岸木义三人御書寺額普光王寺三月三日大師示滅敕令就薦福寺漆身起塔忽臭氣滿城帝祝送師歸臨淮言訖異香騰馥帝問萬廻曰僧伽大師是何人邪曰觀音化身耳乾符中謚證聖大師





# 五聖始末

按祖殿靈應集云五顯公之神在天地間相與為本始至唐光啓中乃降于茲邑蓋藉莫有登載故后来者無所考據惟邑悼耄口以相傳言邑民王喻有園在城北偏一夕園中紅光燭天邑人麋至觀之見神五人自天而下導從威儀如王侯狀黃衣皂繚坐胡床呼喻而言曰吾授天命當食此方福祐斯人訪勝尋幽而來至止我廟食此則祐汝亦無憂喻拜首曰惟命言訖禪雲四方神昇天矣明日邑人來相宅方山在其東佩山在其西左環杏廡右繞蛇城南北兩潭而前坐石大溪出來縈紆西下兩峰特秀巉然水口良然佳處也乃相與手來斬竹雜草作為華屋立像肖貌揭虔安靈四遠聞之鱗集輻湊自是神降格有功於國福祐斯民無時不顯先是廟號上名五通大觀中始賜廟額曰靈順宣和年間封兩字侯紹興中加四字侯乾道年加八字侯淳熙初封兩字公甲辰間封四字公十一年加六字公慶元一年加八字王嘉泰二年封兩字王景定元年封四字



王累有陰助于江左封六字王六年十一月告下封八字王

理宗改封八字王號

第一位顯聰昭應靈格廣濟王

顯慶協惠昭助夫人

第二位顯明昭列靈護廣祐王

顯惠協慶善助夫人

第三位顯正昭順靈衛廣惠王

顯濟協佑正助夫人

第四位顯直昭佑靈貺廣澤王

顯佑協濟喜助夫人

第五位顯德昭利靈助廣成王

顯福協愛靜助夫人

王祖父啓佑喜應敷澤侯

祖母衍慶助順慈貺夫人

王父廣惠慈濟方義侯

母崇福慈濟慶善夫人

長妹喜應贊惠淑顯夫人

次妹懿順福淑靖顯夫人

至有吏下二神者蓋五公既貴不欲以禍福驚動人之耳目而委是二神

司之歟

黃衣道士

紫衣員覺太師

輔靈翊善史侯

輔順翊惠下侯

翊應助順周侯

令狐寺丞

王念二元帥

打拱高太保

打拱胡百二檢察

都打拱胡靖一總管

打拱黃太保

打拱王太保

金吾二太使

掌善罰惡判官

大猷嘗觀鍾山所作神傳知安樂公之名本於雲居惜其未詳大猷昨竊廩建昌特往訪問住山遇老具述其事云昔有司馬頭陀至山之南曰瑤田見道瑤禪師謂瑤曰吾尋此山凡十五載自南嶽襲其岡而來若獲勝地願與禪席闡揚佛告是夜夢五神人來曰求珠當入九重之淵欲寶必登萬仞之巔上有優游平地固偉然黎明司馬命樵人開道登山見一白鹿銜花前導自橫嶺而上又數百步地平如掌忽見五神人曰此處乃弟子眷屬所居弟子受伏無用今願捨此續伏慧命如有所缺弟子願給備之瑤隨即其地治基建寺后三日復見五神人現前瑤問曰舍此何往神答曰后山枯木是可居也瑤一日往謝之神人果從枯樞樹中出瑤問曰

安樂否神人曰弟子舉族安樂從此山神及樹皆得安樂之名瑤乃馬祖時人也唐憲宗元和初寺成名曰龍昌僖宗中和三年有洪覺禪師道膺入山開堂演法常有五老人來聽一日洪覺問曰公何人對曰山前檀越言訖而行洪覺令人觀其所往至山側小池遽入其中遂不見至今人呼為五龍池云

癸巳紹定六年三月三日宋承節即張大猷謹書

按胡升撰星源志所載云升為童時尚見之一小碑載其事因婺源與德興爭祖廟輦之去今不知所存或曰本朝神祠見於會要姓氏皆可考惟此神無姓氏何耶升曰莫之為而為者此所謂鬼神也周禮小宗伯兆五帝於四郊漢儀祠五祀宋朝明堂畱五方帝位于昊天之神從之以五人帝五官神皆五行真氣也蓋五行為天地間至入之極必有為之主宰者故曰元冥曰祝融曰勾芒曰神農曰后土皆指水火金木土而言之物今五神之降于此豈非默助五行之造化以福生民乎或者又以五聖為五通非正神也吁名實不辨典故不知徒肆為議論亦妄矣蓋本朝政和元年



正月詔毀五通及右將軍如已淫祠至宣和五年我五聖適有通貺等侯之封前后十餘年間黜彼之邪崇此之正昭然甚明尚可得而並論之乎亦緣鄉曲前輩偶傳會佛有六通弟子五通之說以啓后人之疑每歲四月八日本縣啓建止善無碍大齋四方并海外來者輻輳齋宿極嚴非有形驅勢迫而使之然本朝褒封勅告並藏縣庫嘉泰二年中屢頒降御書扇五柄並置專局在廟收藏

宋迪公即國史實錄遍校文字胡升謹書



